



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observ. in Cap. XIII. De Probatione per instrumenta.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

cium esse inspicere, quid ad Probationem uniuscujusque negotii sufficiat. Denique varia Causarum genera enumerat, circā quae indicat Textus loquentes de Probationibus, quae in iis admittendae sunt usque ad Reg. XXIII.

Ut ordine congruo disponerentur haec Regulae XXI. à præcipuis initium faciendum erat, nempe ab Instrumentis; tūm ad Testes pergendum; dein, ad Indicias; indē, ad Praesumptiones; denique, ad rumorem publicum: tunc, exppositis, quae sufficientiam, aut insufficientiam Probationum spectant, indicandae erant Probationes uniuscujusque generis Causarum, pro dignitate singularium.

REGULA XXIV. Quod hic dicit, Probationi testimoniali peculiare est, & rejiciendum erat ad Cap. XIV. de Testibus.

REGULA XXV. hic loquitur de eventu Probationis. Dicit primum, eum, qui probat, Causam obtinere; Adversarium verò damnari, prout Causa postulaverit, ad restituendum Simplum aut Duplum. Tres subjiciuntur Excepiones. Prima: nisi hic contrariam Probationem sufficiat; hæc Exceptio quinque Replicationibus restringitur, 1. Si agatur de delicto probato Cap. 2. de Probat. 2. Si depositiones publicate fuerint. 3. Si Probationi renunciatum fuerit. 4. Si Probatio posterior anteriori vincere nequeat. 5. Si Probatio sit definita, qualis est ea, quæ sit per Confessionem in Jure; per Juramentum delatum, aut regulatum; vel per rem judicatam, aliudve simile momentum controversialis decisorium; 6. Adjici potest, si præsumptio tantum vim habeat, ut omnem Probationem contrariam excludat. Eiusmodi præsumptiones dicuntur *Juris & de Jure*: talis olim erat præsumptio Matrimonii deducta ex copula carnali inter Personas desponsatas. Has præsumptiones approbat Jus & iubet, ut Factum sic præsumptum, pro certo habeatur; talis est præsumptio Professionis Religiosæ nascens ex gestatione habitus Professorum, & exercitio actuum Religiosorum cum habitu ultra tempus Probationis Cap. 4. de Regulari.

Exceptio Secunda: si Probatio destruatur per Exceptionem, sive objectionem fortiorum, unde sit, ut, si probetur aliquem Hæreticos minimè Suspectum instanti morte, Hæreticos vocavisse, ut consolatiōnem ab illis acciperet per manum impositionem, is idcirco non reputetur Hæreticus, posito quod videatur mentem fanam non habuisse: si vero Hæreticos suspectus erat, non admittitur hæc excusatio, posito quod Hæretici non nisi Personis ratione utentibus hanc consolationem impetrare soliti sint. Cap. 3. de Haret. in 6. Exceptione Tertia, Excipitur Casus, quo præsumptio gravis adversus Probationem militat; Cap. 10. de Præsumpt. quo in casu vincit præsumptio, nisi Factum præsumptioni contrarium perfectè probatum fuerit. Exceptio hæc continetur in Secunda; & ex utrâque juncta consequitur id, quod prius observatum fuit in hanc Regulam XXV. extra Casus, in quibus non admittitur Probatio rei contrariae iis, quæ probata sunt, Probationem majorem Lites definire.

REGULA XXVI. nihil continet, quod non sit in præcedentibus; quippè jam diximus, eum, qui non probat, Causa cadere; Confessionem Rei liberare Actorem à probandi necessitate, Juramentum delatum & præstitum, Probationis locum tenere, sed non esse deferendum nisi deficientibus ceteris, cùm sit tantum subsidiarium.

Autor, hoc in Capite, de Probationibus in genere differens, multa miscuit, quæ ad species pertinent: tale est quodcumque dicit de Præsumptione, de Juramento, de Confessione, de Testibus, de Instrumentis, quod reservandum erat ad Capita sequentia, in quibus agit de Probationibus in specie.

Plures alia Regulae circā Probationes generatim consideratas in Jure occurunt; multis refert Fagnanus Tom. I. p. 40. Tom. II. p. 133. de Probat. 147. de Probantib. 166. de Jurejur. Tom. III. p. 33. de Candest. Delfons. pag. 86. 87. qui Filii Legit. Scilicet ex multis semi-Probationibus exurgit Probatio perfecta: Probationes contrarie, quæ conciliari non possunt, se mutuò destruunt: Probationum inæqualium fortior vincit; Probatio dubia aut æquivoca non liberat ab obligatione probandi, & interpretationem accipit contra Allegantem: in Causa summariæ Probatio perfecta non est necessaria, levis autem sufficit: Probatio perfecta non destruitur, nisi per aliam similiter perfectam: præsumptio cedit veritati; Itaque Probationes ab hac deductæ, vincunt Probationes à presumptione quæstas: ubi agitur de Crimine, Probationes luce clariores esse debent; Consuetudo, quæ Probationes vulgo receptas antiquat, aut, quæ iis aliquatenus derogat, nulla est, maximè si Juramenti adjectiōnem requirat; quippè quæ bonis moribus adversetur, Juramentum sine necessitate exigendo. Idem Fagn. in Cap. 2. de probat. idem dicere debuitset de Legibus, quæ Clericis dabant licentiam se, Jurejurando interposito, purgare à Criminibus, quæ per Testes fide dignos poterant probari; quia objiciunt periculo pejerandi, & quadam Clericos, antequam discutiat probationem legitimam per Testes, adeò necessariam in materia Criminali Cap. 12. de Prob. istas Leges commemorat, & reprobat. Idem Autor in Cap. 2. hoc Tit. ostendit, neminem se restringere debere ad unicam Probationis speciem, & Bonum publicum, quod alia Probationum genera introduxit, non pati, ut quæ corum usum respuat.

Observationes in CAP. XIII. de PROBATIONE per INSTRUMENTA.

Si Regula I. inseruisset Autor omnes conditiones requiritas, ut Instrumentum sive Privatum, sive Publicum, sit in formâ probante, plerique Exceptiōnum XIII. inutiles fuissent, quippè quæ desumantur ex defectu alicujus harum conditionum: porrò ex pendente, tam ex usu Loci, quam ex Jure Comuni.

Ut igitur sub una Regula collocetur, quod in illis continetur, dicere sufficeret, quodlibet Instrumentum, juxta receptum in Provincia Jus, confectum, Probationis vires habere; etenim Jus illorum formam non præscribit, nisi, ut probatoria sint Cap. 5. & 9. de Fide Instrum. loquuntur de Instrumentis privatis, cetera de Instrumentis publicis. Quatuor alia Regulae, quæ pertinent ad Locum & Tempus, quo Instrumenta edenda sunt vel ad eorum innovationem, vel ad Probationem amissionis ipsorum nihil tradunt quod momento careat; sed junctâ, etiam Primâ, non tradunt omnia, quæ circa hoc scitu necessaria sunt: adjiciendæ sunt Regulae XXII. XXIII. Capitis XII. Cujacium; GONZALEZ, FAGNANUS, plures alias circa idem Argumentum Regulas referunt, quæ spectant vel Instrumenta falsa, vel communicationem Actuum; vel Comparisonem Probationis per Instrumenta, cum Probatione per Testes. Illa Regula collectæ sunt in Tractatu de Judiciis, exque enucleatæ, quæ expositione indigebant. Sufficiet observare, duos priores asserere, Probationem per Instrumenta, non esse fortiorum Probatione per duos Testes, & vicissim juxta Cujacium in Cap. 10. de Fide Instrum. Probatio per quatuor Testes vincere debet Probationem per unicum Instrumentum; sed indē non sequitur, Probationem per Testes plures, quam duos, esse admissibilem contrâ id, quod continetur in Instrumento, quod ut legitimum agnatum est; nam quædam sunt Facta, ad quorum Probationem, Leges requirunt Scriptum formâ legitimâ vexitum. Seclusus est si validitas Instrumenti controvertatur. v. gr. Si captatum fuit, per vim extortum, aut per seductionem confectum; si falso sit; aut alii vitis labore.

laboret, quæ non nisi per Testes probari queant: tunc enim hæc probatio admittit debet adversus Actum. Probatio per Instrumenta necessaria non est, nisi quandoam requirit Lex: probatio testimonialis sufficit quoties non reprobatur.

GONZALEZ contendit idcirco Titulum de *Testib.* anté Titulum de *Fide Instrum.* & immediate post Titulum de *Probat.* collocatum fuisse, quod Compilatores Textuum Juris & Pontifices aut Principes, qui Compilationibus autoritatem dedere, arbitrii sunt, probationem testimonialem efficaciem esse probationem per Instrumenta. Peccat hæc consequentia; nam hæc autoritas Tituli de *Testib.* provenire potest ex eo, quod probatio testimonialis communior sit probatione per Instrumenta, cùm innumera sint facta, quæ scriptis non mandentur, in quibus proinde probatio testimonialis necessaria est, & probatio per Instrumenta impossibilis. Praterea, probatio testimonialis locum habet in Instrumentis: quippe quæ continent testimoniū voluntatis Partium, & Depositionem Testium, qui illud subscrībunt, & Personæ publicæ, quæ Instrumentum conficit. Idcirco idem Autor in Cap. 10. de *Fide Instrum.* consultò discutens questionem, an probatio per Instrumenta vincat probationem testimonialem, afferit vincere, si Instrumentum sit Publicum, à viro non suspecto profectum, & formâ legitimâ donatum n. 14. usque ad finem.

Regula contenta Cap. 14. ejusd. Tit. ad rem etiam facit. Dicitur in Capite, Cautionem, cuius causa non exprimitur, esse nullam; sed expressa causa valere, donec falsitas causa probata fuerit. Cap. 4. de *Solution.* hic etiam applicari potest, posito quod ex scripto appareat, pecuniam acceptam fuisse, & is, qui solvit, probet, se illam non debuisse, aut is, qui negat, sibi solutam fuisse, probet, eam sibi debere; nam, primo Casu, admittitur probatio adversus Confessionem debitum, quam fecit is, qui pecuniam accepit, ad probandum solutionem sibi factam contrâ dene-gationem numerationis pecunie ab illo factam. Vide GONZALEM in Cap. istud. n. 8.

OBSERVATIONES in CAP. XIV. circa Probationem per TESTES.

Hic Autor magis diffusus est, quām circā aliam quamcumque probationem. Id postulavit amplissima copia Textuum de hac loquentium, quæ superat numerum collectivè sumptum eorum, qui de ceteris probationibus tam ingeneri, quām in specie, agunt. Exorditur à productione & discussione Testium, unde transit ad coactionem, breviterque delibatis adjunctis & confectionibus productionis, & discussio, prolixè differit de Reprobationibus adversus Testes, quarum referunt LVIII. cum quibusdam Replicationibus. Omnes Exceptions Regule I. reducuntur ad Impedimenta legitima. Itaque eos Autor Regule conjungere potuisset, dicendo, Testes edendos esse coram Judge, & ab eo discutiendos nisi legitimo Impedimento distineantur; tūm observando continuā serie, quānam illa sint Impedimenta; nempe, distantia Lectorum, morbus, senectus, infirmitas, aut paupertas Testium, qualitas Personæ sumpta vel è sexu, vel è statu, vel ex dignitate.

Textus, qui Clericos, & speciatim Episcopum, liberat à necessitate fistendi se apud Judicem Secularem, ad deponendum, suppositius est. Quod dicit de Muliere, non ubique admittitur, nisi Dignitas ejus aut Claustra exigat, ut illa domi examinetur. Loquendo Reg. II. de Commissariis ad audiendas Causas, distinguere debuitur Casum, quo hi sunt in districtu Judicis, ab eo, quo extra districtum ipsius commorantur: nam, in hoc, Judge Loci delegandus est; in illo autem, delegari potest quisquis ad id munus

Tom. I.

idoneus est. De illo Casu intelligendum est Cap. 8. de *Testib.* & attestat.

Exceptiones hujus Regulæ non obtinent in Judiciis Criminalibus, in quibus Testium cum Reo collatio, quæ apud Gallos dicitur *Confrontation*, necessaria est: idem est de Reg. II. quæ pertinet ad Commissarios, ad receptionem & discussionem Testium, vid. GONZALEM in Cap. VIII. REGULA III. & IV. Spectant tempus, quo Testes produci nequeant: nempe 1. antè litis Contestationem. 2. Post Publicationem, Depositionem. Utraquæ plures habent Exceptiones, quæ ad unicam aut duas reducuntur, si considerantur, quod causam ipsarum Exceptiones Prime reducuntur ad Casus periculi, ne post litis contestationem Testes audiri nequeant, & Casus, in quibus necessaria non est contestatio, quia Causæ de plano judicandæ sunt. Exceptiones Regule II. rediguntur ad Casus, in quibus depositiones rite receptæ non fuerunt, aut non satis sufficienter discussæ, & eos, in quibus agitur de aliis negotiis. REGULA V. ferens, andiendos non esse Testes nisi jejunos, extenditur ad Juries, qui jejuni quoque esse debeant; verum ea exolevit.

REGULA VI. VII. VIII. indicant solum Textus, qui loquuntur de injustâ Testium citatione, de exhibitione Testium citatorum, & de peccatis eorum, qui depositionem, aut discussionem Testium impediunt. Satius fuisse illorum summa dare, nempe Testes vocandi non sunt, nisi cùm status Causæ id postulat; providendum est, ut eorum sumptus in itinere, manuione, & redditu, suppeditentur; & excommunicandi sunt Laici, suspendendi autem Clerici, etiam si Episcopi Cap. 11. de *Rescript.* in 6. §. ult. Cap. 37. & 43. de *Testib.* sub finem: Hanc circā rem Rei Exceptiones XIV. Regule IX. quæ pertinet ad coactionem Testium, rediguntur ad Casus, in quibus excusat quis à deponendo omnino, vel à deponendo apud Judicem Secularem. Decima tertia spectans Judicia Criminalia, falsa est, ut probatum fuit in *Traictatu de Monitorio*; proinde, quinque Replications, quas hic Autor, velut restrictiones hujus Exceptionis afferit, in Regula includuntur, bonum publicum illud sic exigit. Decima Quarta Expositione indiget: falsum est, Cognatos compelli posse ad deponendum adversus Cognatos; in Casibus, in quibus per Leges dispensantur; possunt in Casu, quo Leges ad id eos obligant. Personæ, quas Leges, in quibusdam negotiis, à depositione dispensant, ad eam tenentur, cùm sine ipsa veritas detegi nequit. Idcirco, Canones, qui dispensant Episcopos, atque etiam Clericos à deponendo coram Judge Seculari, abrogati sunt in multis Regionibus. Canones Regule X. sunt fundamentum usus Monitoriorum. Canones laudati in Exceptione Reg. XI. qui dispensant Episcopum à præstanto Juramento in Casu depositionis, abrogati sunt. Reg. XVI. quæ vetat, adhiberi fidem depositioni Personarum vilium atque abjectarum, si absque gehennâ deposituerint; antiquata est; Leges & Canones ejusmodi prohibitionem ferentes exoleverē.

Quod dicit de prohibitione admittendi plures quā Tres editiones Testium, nisi Producens in Quarta afferat cum jurejurando, Testium productorum se notitiam antehac non habuisse, aut ipsos prius edere legitimè impeditum se fuisse, expositione indiget, quæ reperitur apud GONZALEM in Cap. 15. de *Testib.* & Attestat.

Regulæ circa consecutiones discussionis Testium, indicant solum Textus de Argumento loquentes. In Regulis VIII. circa reprobationem Testium, nullum servat ordinem, multasque iterationes inutiles fecit; quācumque enim desumuntur ex eo, quod Testes non habeant qualitates requisitas, uno verbo comprehendunt poterant, dicendo, quemlibet Testem illarum aliquā parentem esse reprobabilem, & quoad illarum enumerationem, ad superiora remittendum

B b 2

erat